

IV. TAWANA A THUTLWA

- 1. Molateleledi a Kgopha,  
 Bemasofetsa a mosadi a kgosi,  
 Yo e a re a tsenye dikgomo mokotong,  
 Re solofele gore di tla bowa,  
 Re tle re tihoboge a latelela losamo, 5  
 A re, Mma kgomo ke di thibile marago,  
 E rile tsa tlhogo tsa ya le nwa;  
 Batho bone ba masamo a mabedi a sa tsweng,  
 Mme la boraro le tla dika le tsame.
  
- 2. Bonnyane e e maphatsi; 10  
 E maphatsiphatsi kgosi ya Matlou,  
 E a re go phatshela kgomo tsa merafo,  
 Bathanka bo-Masetlhe le bo-Matshela,  
 Ba re , kgomo re di bone;  
  
 Le mma ntle dika ke gama lorebolo, 15  
 Ntle dika ke gama lorebolo ja kgosi ya Matlou.
  
- 3. Mme nwa ya gage e rapaletse, Morolong,  
 Eete sekwa se namile, Mmusi.  
 Mmusi wa Matinakgabo, kgalema,  
 O kgalemele dira di tloge di eme, 20  
 Di re belebele, di ye go reetsa,  
 Di ye go utlwa ka mokue o lola,  
 O lola, o kgalebetega, @  
 Teleki yo Sephiri a Mokgothu.
  
- 4. E a re a e tla tswelwa kgabetsi, 25  
 Makolwanyane a tloga a bakela go tlhola  
 a itisitse ka yone:  
 Phofu di tšwe kobong go le tsididi,  
 Di gopotse logonono lwa konyana.
  
- 5. Lo se ke lwa tšhwara diphaswana bo-Tsimone, 30  
 Aitse bao ga ba tšhabane, ba tšwarwa fela;  
 Namane tse ditona, bo-ratshetlhana,  
 Lo tšhwareng Maabantwa ka molomo,  
 Lo ba tšhwareng, lo ba gagole dimpa,  
 Lo phunye majwala majalwa mpeng tsa bone.
  
- 6. Tahona fa go akiwa baditšhaba ba a gola, 35  
 Bo-Maseng ba godile;  
 Erabo, Mokalaka a Ratlou,  
 E a re a ba fa a re, tšhwa, tšhwa!

- O ba fa fela a ba dule pedung;  
 Ke lo fa fela, lo ditshwene tsa ga Khunwana. 40  
 Mme Ramathe ga a ake, o buela rure;  
 Babadi ba bone ba itsiwe;  
 Le tshwene tsa bone di ba ithaetse;  
 Le maina a bone a itsiwe,  
 Le merero ya bone no difubeng; 45  
 E bile ba tla balwa ke Sebotso le Montshusi.
7. A thebe tse tsa Maswana a Tsokung, a di mole  
 makokomeng?  
 A di ne di kgoletšwe, mmentla re tlhoka le go  
 itse ope mmala?  
 A batho ba ba senang kau ja tlhogo, Bakwenal  
 Ga le tshologe mokgosi jang ba ga mali a  
 Tshukudu? 50  
 Lwa tla go tihaloganyana Kwasif  
 Lwa e bona kgosi ya lefatshe ja borwa,  
 E ntse e sepela go se go none fa tlhase ga  
 mapupu a mogaga.
8. E gale kgale yabo Dibuele;  
 E re e qala e itshupegetsa Molale, 55  
 E a re Ramathe a itse fa e tlihasetse;  
 Aitse ke lwela bothaka le Molale,  
 Mme o molema,  
 Mothe a le molema o a ba a le segole,  
 O a ba a boka a robilwe letsogo. 60
9. Kana lo ntse lwa nna lwa gasiwa keng le thota,  
 Ba mogole wa rona, Bahurutshe?  
 Mmentla re a gata ga re gate ba kgosi?  
 A batho ba ba ga Molokwana, a le bone morafe?  
 A le bone batlhankana ba ga Sebogodi? 65  
 A le bone ba direla Mokgatlhe?  
 A ba ka tshwarwa modumo o ka tsoga?
10. Tsamaya, lo rebole tshaka ya Mapoana;  
 Lo e rupele kwa go morwa Nkhibidu a Maanyana,

Lo re tshaka ya motho wa rona ga e tshwarwe,  
E lometswe ka naka lwa tshukudu,  
E se lwa mogofu, e le lwa kenene.

11. Tshukudu tsa mono Ditshayabatho,  
Bo-Makgalathipa, ga di kgukgunelwe,  
Di tle di tshabise motho paapaal  
Le more a o fete a o bona,  
A reteletswe ke go tlhoma sekgele.

75

12. Hna ke bile ka re e tlhakilwe, --  
Teleki yo Sephiri a Mokgothu,  
Ke bona marumo a e fologakaka ditsalo.  
A mangwe a e otle tlhogo a feta,  
Ntekane marumo a santswere ga a tlhabe.

80

RAPRANA.